

Universal Declaration of Human Rights - Tamazight, Central Atlas

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, <http://www.unicode.org/udhr>.

TIŞERRIHT TAGRAGHLANT IZERFAN N WEMDAN

Yesbudan d yesse ran deg wegraw amatu seg use ti-s 217 A. (III) di 10 dujember 1948

ANAKCHAM

Imi asmussen n lhwermi i ttalasen akkw yâggalen n twachult talsawt d yizerfan n sen yemsawan, d nitni i d llsas n tlelli, taghdebt akkw d- tifrati deg wmadal (di ddunit).

Imi kra n widn nesmuusun ara izerfan n wemdan d widn iheqqren s lkhwedn n lewhuch yesserfayen tamsakwit n talsa akkw d- tllin umadal and'ara hedren u and'ara yammen yemdanen s tlelli idg ur yelli la aserheb la lmizirya, d nettat i d asirem âlayan n wemdan.

Imi tebbwi - dd nnig kra yellan ad ttuħudden izerfan n wemdan s nnidam azerfan i wakkn ur yettuħerrs ara wemdan di taggara alamma yughal d amnafeg dadd temħeqranit akkw d unaghur.

Imi yessefk ad tennerni tegmi d wassaghen n tmidwa d lemħibba gar yeghlanen.

Imi di lqanun izerfan n wemdan imudan n ledjnas yedduklen berrħen i tikkelt tajdidt laman n sen deg zerfan ilsasiyen n wemdan di ccherf akkw d wazal n bnadem di tugdut izerfan n tulawin d yergazen u berrħen belli qeşden ad snernin aqeddem amgarwan u ad sbed'den tigwnatin timenyafin n tudert di tlelli yettinghuren.

Imi, timura yetteskin di ledjnas yedduklen lezment iman n sent ad myallent (ad mmâwanent) i wakken ad demnent nitenti d-tuddsa n ledjnas yedduklen, di mkull timura leqder aheqqani izerfan n wemdan akkw tlella tilsasiyin.

Imi afham amechruk n tlella d yizerfan agi degs lqima tameqwrant i wakken ad uqment leqder tmura leqder i lâhd n sent.

Tajmâit tamatawt

Tberreh belli tişerriht agi tagraghlant izerfan n wemdan d anawad amechruk igher ssaramen imudan d yeghlanen akken ma llan i wakken akkw yemdanen d yâggaln n temgarwa i glan (i ges an) dima tişerriht agi di lbal n sen, ad skhedmen akkw lmedjhud n sen, s legraya d ttrehga i wakkn ad senernin aqader n tlella d yizerfan agi u ad demnen s ttawilat idd iteddun s lâqel, (wa deffir wa) deg wennar aghelnaw d ugraghlant asmussen d usnefdes igraghlant iheqqaniyen gar imezdağhen n ddulat tâggalin s timmad n sent nagh gar yimezdağhen n tmizar i gellan ddaw lhwekm n sent aghedman.

Tamadda 1:

Imdanen, akken ma llan ttalant d ilelliyeen msawan di lhwermi d yizerfan- ghur sen tamsakwit d lâquel u yessefk ad- tili tegmatt gar asen.

Tamadda 2:

Kull yiwen ghur-s lħeqq ad ighellat tilella d yizerfan idd yeddant di tşerriht agi bla tarayit idd yettasen si cchetla, d llun, d ldjens d tutlait, d ddin d rray asiya nagh rray iden i gerzan lasl aghelnaw, tamgarwa, aila talalit nagh lihala n iden yehwa yas d argaz nagh d-tameţţut.

Rnu gher-s, ur ilaq ara ad-tili trayit yebnan ghef lihala tasiyasit, taghedmawt nagh tagraghlant n tmurt nagh n temnadt ideg yezdegh wemdan yehwa yas tella tmurt agi nagh temnadt agi d- talellit nagh ddaw lewkala, nagh ur tehkim ara deg yiman is nagh ur tekmil ara tlelli ines.

Tamadda 3:

Kull amdan ghur es lheqq n tudert, tilelli d laman ghef timmad is.

Tamadda 4:

Ur ilaqar a ad yughal wemdan d akli nagh d aqeddach n wemdan iden. Tasakla d uzenzi n waklan ttuhermen mađi.

Tamadda 5:

Ur ilaqara ad yettuselleṭ ghef umdan uâqeb nagh ssikis d- teghriwin yesnughbuyen, itekksen fell as sser.

Tamadda 6:

Ang'is yehwa yili wemdan, ghur s lheqq ad yettwag leqder i timmadit is taghedmawt.

Tamadda 7:

Akkw indamen msawan zdat lqanun u ghur sen lheqq bla afraz i wakkn atn ihudd lqanun - ghur sen irkwelli lheqq i uhuddu, akken ma llan dedd tarayit ur nwufq ara tişerriht agi.

Tamadda 8:

Kull amdan ghur-s lheqq ad ichetki i tnehkamin tighelnawin yettuk'ellfen i wakkn ad fkent lheqq dedd tnehyafin ur nettqadar ara izerfan ilsasiyen is yettak udustur d lqanun.

Tamadda 9:

Ula d yiwen ur yezmir ad yettwaṭtef, nagh ad yettwaḥbes nagh ad yet twanfu s ldjur.

Tamadda 10:

Kull amdan ghur-s lheqq ad-tâddi thuft is zdat tnehkamt, âinani, bla tnehyaft i wakkn ad - tseyyi ma seḥhant telzimin is d yizerfan is nagh ma d-tidett wayn - idd gren fell as deg wennar n lâqubat.

Tamadda 11:

1. Kra n win yettutêhmen s ssiya ad yettwaḥseb d imzekki alama yettuşêḥheh s lâdel ddenb idd gren fell as, âinani, zdat tnaḥkamt and'ara yettwadmen akkw wayn i glaqen i uhuddu ines.

2. Ula d yiwen ur yettwaḥkam ara fell as ma yekh dem kra n ssiya yettuhermen nagh ma iferret di kra iwudjben fell as ma yella di tallit ni ayn idd gren fell as ur ikhulfara lqanun aghelnaw nagh agraghlant, yerna lâquba ur d as-dd yettak ara ad - tagwar tin is i ghekkm lqanun di tallit ideg tedra ssiya.

Tamadda 12:

Ur yezmir hedd ad yessekchem iman is s ldjur di tudert n wemdan, di twachult is; deg wekkham is, timuzniwin is nagh ad yessims lhwerma-s d nnif is; kull amdan ghur-s lheqq at ihudd lqanun si tiytiwin yechban tigi.

Tamadda 13:

1. Kull amdan ghur-s lḥeqq ad yelḥu s tlelli u ad yekhtir tanezdught di tmurt is.
2. Kull amdan ghur-s lḥeqq ad yeffegh si yall tamurt ghas d - tamurt is u ma yehwa yas yezmer ad yughal ghur es.

Tamadda 14:

1. Ma yella yettwahres wemdan s ldjur, ghur-s lḥeqq ad yesdari iman is u ad ighellet lânaya n tmura iden.
2. Amâni ur d-as-dd tebbw ara ad ighellet lḥeqq agi ma yella yekhdem ssiya ikhulfen lqanun amechruk nagh ayn ur nwufq ara inawaḍen d yimenzayen n tmura yedduklen.

Tamadda 15:

1. Kull amdan ghur-s lḥeqq i tghelna is yehwan.
2. Ur d-as yettwakkes i yiwen s ldjur la taghelna ines la lḥeqq ubeddel n tghelna.

Tamadda 16:

1. Mi geblegh weqchich nagh teqchicht, ghur sen lḥeqq ad zewdjen i wakkn ad bnum tawachult bla ma yettuqegged lḥeqq gi s cchetla, taghelna, nagh ddiyana msawan deg zerfen m'ara zewdjen, nad'am zewdjen nagh m'ara yefsekh zzwadj.
2. Ur yettili zzwady alamma s lebghi d umyeqbel ukmil n wergaz d- tmettut.
3. Tawachult d-tagwejdīt talemast n temgarwa, ghur-s lḥeqq att thudd temgarwa d ddula.

Tamadda 17:

1. Amdan yehwa yas weḥd-es nagh d amezday ghur-s lḥeqq ad yekseb aila.
2. Yiwen ur yezmir ad yettuḥerrem seg waila-s.

Tamadda 18:

Kull amdan ghur-s lḥeqq i tlelli n tedmi, tamsakwit d ddiyana, lḥeqq agi tetteski deg-s tlelli ubeddel n ddiyana akkw d wayn is yettamen, wehd es nagh gar medden âinani nagh di sser, s uselmed s tegdimin, s wâbâd d umares n lemdaheb.

Tamadda 19:

Kull amdan ghur-s lḥeqq n tlelli di rray d lmenteq anda yetteski lḥeqq ubeggen n rray bla ma yettuchebbwel u daghen tebbwi yas-dd ad inadi, ad yettef, u ad yefser di yall tamurt isallen d- tedmiwin s yall ttawil n wentaq.

Tamadda 20:

1. Kull amdan ghur-s lḥeqq i unejmâ akkw d- tdukla di tifrat.
2. Yiwen ur yezmir ad yettuḥettem i wakken ad yetteski di tdukla.

Tamadda 21:

1. Kull amdan ghur-s lḥeqq ad yetteski deg wselḥuy n temsal n bailek n tmurt is, ama netta s timmad is, nagh s win yekhtar d amtil is.
2. Kull amdan ghur-s lḥeqq amm netta am wiyad ad yettef amkan di ḥirfat n bailek n tmurt is.

3. Lirad umadan d nettat i d llsas n lhiba n lehkwem n bailek- yessefk add tban s tefrant zeddigen idg ara tteskin meddn irkwelli u ara yilin si lweqt aar wayed di tugdut d sser nagh s ttawil iden it yechban ara idemnen tilelli n tefrant.

Tamadda 22:

Kull amdan yetteskin di temgarwa ghur-s lheqq di laman amgarwan gqes den ad ikafi izerfan is isagrawen imgarwanen d yidelsanen imsefken i lhwermma d usegmi alelli n timmadit is s tejmilt n lmedjhud aghelnaw d umyalli agraghlane s wayn ara yembwafaqen netta d nniqam d lerzaq n kull tamurt.

Tamadda 23:

1. Kull amdan ghur-s lheqq i ikheddim ara yekhtir akkn is yehwa s cchurut n lâdel imsefrahene ar'at idemmen ghef ticchumert.
2. Imdanen akken ma llan ghur sen lheqq bla tarayit i tjernanin yemsawan ghef ikheddimen yemsawen.
3. Kra n win ikheddimen ghur-s lheqq i tjernant taheqqit, timsefreht ar'as idemnen i netta d twachult is tudert iwufqen lhwermma n wemdan ara yettuk'emmlen ma yebgha lhal, s kra n ttawil iden uhuddu amgarwan.
4. Kull amdan ghur-s lheqq ad yessebded netta d wiyaq tidukliwin ikheddamen nagh ad icharek di tdukla ara ihudden lmeslaha ines.

Tamadda 24:

Kull amdan ghur-s lheqq i rraha d- tukksa n lkhiq (d ugunfu) u ladgha di lhedd iqebbel lâqel n lweqt ikheddim akkw di ttrih yettwakhelsen, si lewqt aar wayed.

Tamadda 25:

1. Kull amdan ghur-s lheqq i lmizan n tudert ar'at iqidden i ttmanna n tsehiht is (n tezmert is), liser ines akkw d- twachult is, ladgha i isafarn n tuççit, llebsa, tanezdught, adawi timezgiwin (tijmilin) timgarwiwin ilaqen, ghur-s lheqq i ttmanna ma ur ikheddmara, ma yuden, ma yella d anâibu nagh d adjjal, nagh d awesran nagh kra n yimi ar d as ruhent ttawilat n tudert ma yekka-dd waya nnig tezmert is;
2. Tiyemmatin d yigwerdan ghur sen lheqq i tallalt (lmâwna) d uhuddu ikhsusiyeen. Akkw igwerdan ilulen di zzwadj nagh berri n zzwadj ghur sen lheqq yemsawan di tussra (ttmanna) tamgarwant.

Tamadda 26:

1. Kull amdan ghur-s lheqq di leqraya ur nessefk ara fell as lekhlâs ladgha leqraya tamenzut akkw d- telsasit. Leqraya tamenzut d- tamelzumt, leqraya tatiqnit d uselmed n lhirfat yessefk ad ilin d imatawen, tabburt unekchum gher tlumdivin tunnigin (âlayen) yessefk ad-tili s lâdel i meddn irkwelli ghef lehsab n wakken zewren.
2. Ttrebga yessefk ad- tessiweq ghr usefti n timmadit d usedjhed n leqder izerfan n wemdan akkw d tlella tilsasiyin, tebbwi-dd ad- tweççi ghef usefhem d umsameh d lemhibba gar tmura akken ma llant d yimudan d ddiyanat i tutfa n lehna.
3. Imawlan ghur sen lheqq d imezwura ad khtiren sşenf n ttrebga ara fken i warraw n sen.

Tamadda 27:

1. Kull amdan ghur-s lheqq ad yetteski ma yebgha di tmeddurt tadelasant n tmurt is, ad yestummen i lfenn (tazuri) akkw d tegmi n tussna d wayen idd ttaken n lfaida.

2. Kull amdan ghur-s lħeqq uħuddu n lfaida ines tanamkawt akkw d- tmaddawt idd yekkan seg wayn idd yesnulfa di tussna, di tmedyazt (tasekla) nagh di lfenn.

Tamadda 28:

Kull amdan ghur-s lħeqq deg wennar amgarwan nagh deg wennar agragħlan i wakken ad yili nniḍam yechban izerfan akkw tlella idd yeddān di tšerriħt agi lfaida d unawaḍ n sen.

Tamadda 29:

1. Amdan ghur-s lwadjeb i wegduḍ idg i gemken ala deg-s kan, unerni ukmil n timmadit is.

2. Deg wmares izerfan is d ughellet n tlella ines, kull yiwen ur ikennu ala ddaw leqyud i gersem lqanun wehd es i wakken ad yedmen asmussen d uqader izerfan d tlella n lghir is u daghen i wakken tisutriwin tighedmawin n wedyaz d nniḍam n bailek d liser amataw dit emgarwa tagdudant (tadimuqrati).

3. Izerfan akkw d- tlella yagi, is yehwan yili, ur zmīrn ara ad ttumarsen ḍedd inawaḍen d yimenzayen, n tmura yedduklen.

Tamadda 30:

Ur telli tmadda di tšerriħt agi i gzemren ad-tettwafhem d-tikchi n lħeqq i ddulla, nagh i wegduḍ nagh i wemdan i wakkn ad khedmen kra nagh ad marsen igi i gqeṣden aħuddu izerfan akkw d-tlella idd yeddān deg-s.
